

rem habuit haud dubie librarium doctum  
et Graecarum litterarum peritum, refe-  
rendum in eorum numerum, de quibus  
differuit Gesnerus ad Claudianum T. I.  
p. XII. XIII. Plerumque versus etiam  
Homerici, in Ione dialogo laudati, ad  
exemplum Homericorum carminum re-  
ficti sunt et emendati, quod licet mihi non  
probetur, doctrinae tamen et diligentiae  
haud vulgaris laude dignum censeri debet;  
notum enim est, quantum sibi permiserit  
in aliis libris describendis librariorum stu-  
por quotque variarum lectionum striblio  
ex hoc fonte sit deriuanda.

Editionis Aldinae (Venetiis. 1513.)  
nanciscendae caussa adii venerandum  
Schützium, qui est a bibliotheca Ham-  
burgensi; cum autem eius copiam mihi  
factum iri iam desperarem, per litteras  
rogaui Feldmannum, sacrarum littera-  
rum cultorem, discipulum quondam me-  
um, iam Goettingae illustris Heynii disci-  
plina et scholis vtentem, ut Aldinam  
cum